

**REDD+**  
**ECUADOR**  
*Bosques para el Buen Vivir*

**2** KAMPUNTIN  
TURA NUNKA  
YAPÁJNIAMU



**JINTINKIÁRTAMU**

Ministerio del Ambiente, Agua y Transición Ecológica  
Ministerio de Agricultura y Ganadería



República  
del Ecuador



Juntos  
lo logramos

Jú papí aárma iniákmawai Programa Integral Amazónico de Conservación de Bosques y Producción Sostenible PROAmazonía, juka Ministerio del Ambiente, Agua y Transición Ecológica (MAATE) tura Ministerio de Agricultura y Ganadería (MAG) eémtikiamujai, aítkiasan, Programa de las Naciones Unidas para el Desarrollo (PNUD) yaimkiamu tura GEF y GCF kuit apújsamujai.

**Jú yaimkiáru:** Componente REDD+ y Financiamiento - PROAmazonía y Subsecretaría de Cambio Climático del Ministerio del Ambiente, Agua y Transición Ecológica (MAATE)

Aárma nérentin © PNUD 2020  
Jú aármanka chikich nérenniuti

**Najánamu:** Tunkiniam - Ekuaturnum

PNUD tsankameawai, yakesh takamtsuk tura tesankesh iístaj taunka, turasha nú iyamunam kuitjiai turatniunka tsankameatsui, nú iyamunam yá aruit nuna aáru naári titiniati.

Jú papí enentainkia, PNUD nii aárcha ása warinkish akuish ninkia ankant juwawai.

Menaint áarma iniákmamu

**Tesár tura nakumak najaná:** LAINCRE S.A.

**Jú aárma pachintiakur iturá titiniat:**

Ministerio del Ambiente, Agua y Transición Ecológica (MAATE), Ministerio de Agricultura y Ganadería, Programa de las Naciones Unidas para el Desarrollo. 2021. Guía de Capacitación REDD+. Programa Integral Amazónico de Conservación de Bosques y Producción Sostenible (PROAmazonía). Ecuador.



¿KAMPUNTIN WARÍ TAMAIT?



**Kampunniúnam  
pujájí, kampúnniuka íí  
pujutaintí, kampunniuka  
ántranka áchaiti.**

Kampuniúnmanka iwiákainia nukap matsámtainti, aínsan yajásmasha tura tsuatnum mash írúnin matsamtainti. Kampunniuka íí jeaíti, nuinkia éntsa, númí, yurank, kuntsú, tsúak nupa tura íí wakaní kakaram waintiaí írunei.

Núnisan, kampúnniuka, Carbono - kayushik mayai (C) numí kankajín, nuken, kankapen tura nunká mukuná takuwiti, júka numi mamuíniak nújainchuka aéseam nasénam wuwiti.



Kampunniuka chíkich iwiakma aíntsankete, tuma ása nunka yapájniakui yajauch wainniuti, esatramunam esák. Aítkiasan, kampunniuka, tsawant yapajnamunam jutikia yaimniuti: **kanus entsa pénker muchitmamtikiak, núnisan esat tsawantin yutumtikiak. Tuma, íi kampuniuri nukap ájam íi pujámuri tura yajá nunkasha itiurchat waintianti.**



Kampunniuka númi chikichik hectárea tepaku tura nuí chíkich numisha írunu tamaiti, uwej nekapak yakirinkia awiti tura menaintíu uwej nekapak nuke yutuaku átiniati.

Kampúnniuka íí pujutaintí, ashí iwiakma, nuyá ashí numi iruntaintí. Turak, kayushik mayai utuwai takakui, aítkiasan, entsa muchitma pénker amajui tura mayainiash pénker sukartawai.

Kampúnniuka pénker mayai mayátkatniun amawiti. Núnisan yurumatniun, tsuamatai tura ashí nuí irunú iniakmakur kuit wainkiatniun amawiti.

Kampuntin yapájniakuinkia, jimiará íirka tsawant yapájniamu waintianti, júniakui:


- Entsa yapájniakui

- Carbono - Kayushik mayai yapájniakui

## KAMPUNTIN TURA EN TSA YAPÁJNIAMU


Kampúnniuka entsa yapájniak kuyuwain, nújainchuka amáreak nunkán yumpuárain tusa yaímniuiti.

Íí írutkamuri éntsa kuyuá tura tíí amárea yamaikikia waíntsuji, turasha jú nekátniuitji:



Numí nuké, kankapé tura ajinkíari entsa nukap mukaná ujuíniati, turak mikíntran nuyá nunkán pénker awájniuti. Turak kampúnniuka entsán núkap mukuna takuwiti; júnis:

**Esat tsawantinkia, kampunniuka entsa mukuna takakma, ishichik ishichik akupniuiti nunka kukach ajasain tusa.**



Yumí tsawantinkia, kampunniuka yutamu mukunniuti, yutamu nakak weak, amáreak tura metsanrak nunka emésmakain tusa.


**Amuákur taji, kampuntín eémeskurkia, ashí iwiákma írunusha emenkartatji, turakur itiúrchat wainkiattaji.**

## ¿KAMPUNTÍN TURA KAYUSHIK MAYAI, ITIURÁ JIMIÁRAK TAKAKMA?

Carbono - Kayushik mayai (C), nunká, numí kankapén, nukén tura ajinkiarin, núnisan ashí iwiáku aíniamunam pujúwiti. Tumak, carbono - kayushik mayaikia, kampuntin tepakmanum áwiti.

**Kampuntín ájam, aéseam tura mamuak, carbono - kayushik mayai (C) numí kankapé tura ajinkí írunu, yakí waka mayaijai (O<sub>2</sub>) pachíniair tséas mayai najánawai (CO<sub>2</sub>).**

Carbono - Kayushik mayai kampuniunam achiakma métekchaiti. Juka tíi kampunkamunmanka tura uúnt numí íruneamunmanka tíi Carbono - kayushik mayai áwiti.



Tséas mayai (CO<sub>2</sub>) nasenam ititurá achikiar ikiumuit



Tséas mayai (CO<sub>2</sub>) nasenam ititurá ajapeamuit.



**¿KAMPUNNIÚRAM TÍI NUMÍ TAKAKKUNKA, KAYUSHIK MAYAI TÍI IRUR TÁKAKUA NÚ NEKAMEK?**

Kampuntín takaschamunmanka núkap iwiákma awiti, numi, yajásma tura entsa jíi írunui, tura nú kampuntin emeseachmaka Carbono - kayushik mayai (C) nukap pujaku takústatji.

**Kampuntín takasma tura takaschamujai apatka ísam, kampuntín takasmanumka ishíchik númi írunui, tuma ása ishichik kayushik mayai takakui.**

Kampuntín takasmaka ishíchik numi takakui, tumak nuinkia ishichik yajasmá pujuiniawai, aínsan nunkásha majat tura entsásha amuki wewaiti.






**Nunká arakmamunam 45 toneladas kayushik mayai takakui, turasha nú nukap achiaku aminiaiti warik tsakau arak arám. Arákmamush yajauchichuiti, wárik nerén araákmeka. Tuma asamtai, pachimra arákmaktiniuti, nekaska, wárik tsakau ainia nú numi.**


Í araákmamu pénker áminiaiti, írutkamush pachínma ákui, aénts, ní akíniamu uwirí jeákui nunka arakmachminnium nuwí arákmainiak.



Saák núkap takasmaánunka, númi atsá asantai Carbono - kayushik maiyaikia ishíchik áwiti, núnis asámtai nunká araákmadniuri nupanti ishíchik awiti.




Kampuntín takáschamuka tura kampuntin yáma tsakaniaka nunká yapájniamunam itiúrchatri ishíchik awájniuti. Juka Carbono - kayushik mayai (C) pachinkiamujai, júnis yaímniuti:





Í kampunniúri wainiakur, numi tsupiachkur tura emésmachkur kayushik mayai nukap takaku átai tamaiti.



Kampuntín waínkiur, númi arákmakur carbono - kayushik mayaisha kawenku takaku átai tamaiti.

## EÉM KIR WEAKUR, JÚ CHICHAM NEKATAI:

**Kampuntín ájamu:** Kampuntín ajárar ekemákmaka nisha íirka ajasúka, nuinkia arákmaktin tura waaká napampártin nunka najáranu tamaiti.

**Kampuntín émeseamu:** kampuntin emeskamka kuntin menkaín, núnisan Carbono - kayushik mayai achiakma menkaínt tutainti.

**Atsamunam númi arákmamu:** yaúnchu kampuntín atsunum númi araákmamu tutainti.

**Awaínkir arákmamu:** kampuntín ajárar amukmánum, ataksha awaínkir númi arákmaktin tamaiti.

**Ataksha kampuntín nájaneamu:** júka kampuntín ajarma núkap tsawant pujús atáksha kampunmantikiamu, aents tura chinki yaimkiamujai tamaiti.

**Carbono - Kayushik mayai mukúnma:** kampunniunam númi uúnt írunu carbono - kayushik mayai mukuná ikuiamu tamaiti. Tumak, númi tsakaíniak Carbono -kayushik mayai tíí nukap takustatui.

**Carbono - Kayushik mayai enetkar takustin:** júka, kampuntin níí kakarmarijiaí Carbono - kayushik mayai mukuná kampunniunam ikuiamu tamaiti, yakí nasénam wáka emesmakain tusar.





**Anújtai:**

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---





Nunka yapájniamu uchich papi aujtaikia, tarimiat aents matsatkainia jintiatin tamaiti, júka nunka yapajnia, kampuntin, kampuntin ajákchatin tura emésmakchatin nékamuri nú nukap jintiatai tusar.

Jú unuimiat Ekuaturnum jintiamuka eémkakai tamaiti, kampuntin wainiakur tura emésmatsuk arákmakur



Ambiente\_Ec  
AgriculturaEcuador  
Pnud Ecuador  
PROAmazoniaEC



Ambiente\_Ec  
AgriculturaEcuador  
Pnud Ecuador  
PROAmazoniaEC

Ministerio del Ambiente, Agua y Transición Ecológica  
Ministerio de Agricultura y Ganadería



República  
del Ecuador



Gobierno  
del Encuentro

Juntos  
lo logramos